

丁寶楨著 郭國慶 吳穹 編校整理


丁寶楨全集

4

上冊



貴州出版集團
貴州人民出版社





国家出版基金项目
NATIONAL PUBLICATION FOUNDATION

丁寶楨全集

4

上册

【清】丁寶楨 著
郭國慶 吳穹 編校整理



贵州出版集团
贵州人民出版社

國家出版基金資助項目

本書獲2016年貴州省出版傳媒發展專項資金資助

「孔學堂簽約入駐學者」學術成果

國家民委人文社會科學重點研究基地「貴州世居民族研究基地」成果

國家民委高等教育教學改革研究項目「地方文獻整理視閥中的中國歷史文獻學教學改革探索」(17075)成果

貴州省本科教學工程「歷史學專業綜合改革」項目成果

凡例

一、本書分爲《奏稿》《四川鹽法志》《十三經讀本》校刊記《丁文誠公勸孝歌》《十五弗齋詩存》《十五弗齋文存》《補遺》等部分，附錄《丁文誠公年譜》等傳記資料。

二、校勘底本的選擇原則上採用初刻本，詳見《前言》。

三、底本異體字、通假字、古今字一般改爲通用字，舊字形一般不予保留。

四、帶有污蔑性偏旁的少數民族名稱在不違背文意的情況下改用今稱。

五、原文夾注雙行小字，改排楷體。

目錄

凡例		一
上諭・奏疏		一
表文		四
《四川鹽法志》纂輯職名		七
凡例		一十
徵引書目		十三
《四川鹽法志目錄》		十九
卷首		廿六
聖諭		廿六
蠲恤恩詔		五九
敕		六三
聖製		六四

卷一 六六

井廠一・井廠圖 六六

卷二 一四六

井廠二・井鹽圖說 一四六

卷三 二〇四

井廠三・器具圖說 二〇四

卷四 二五七

井廠四・沿革上秦至明 二五七

卷五 二〇三

井陘五・沿革下 國朝 二〇三

卷六 二二六

轉運一 二二六

卷七 二五六

轉運二・本省計岸 二五六

卷八 二七六

轉運三・湖北八州縣計岸 二七六

卷九 四一二

轉運四·雲南邊岸 四一二

卷十 四二七

轉運五·貴州邊岸 四二七

卷十一 四八四

轉運六·濟楚上 四八四

卷十二 五〇九

轉運七·濟楚下 五〇九

卷十三 五四四

轉運八・官運上 五四四

卷十四 五八一

轉運九・官運下 五八一

卷十五 六〇九

轉運十・水利 六〇九

上諭·奏疏

四川總督丁寶楨片奏〔二〕，查各鹽務省分均有頒發《鹽法志》，以資遵守，定制昭然。凡在官商竈戶，無不奉行維謹，罔敢逾越以干刑章。是以各省鹽務弊竇恒少，非實在商疲竈困，國家課稅無敢或虧。且商、竈或至虧課，而部頒引張均係存庫，在官在商，均無敢私發私領一引，從未有引張發出百數十萬之多，而課羨亦虧至百數十萬之多者，駭人聽聞，轉晏然自以爲得計，如川省之昏瞶極甚者也。

臣嘗推求其故，固由官、商之敢於貪詐，然亦因鹽務初辦之時，雖有成法可循，究未經定爲志乘，頒發通行以資準則。是以官商均恃其無籍可考，相率營私，任意舞弊，祇知肥己而不知病國病民。迨有人從而矯正之，彼則冥然悍然，不自知其身之罹於法網也。臣自創辦官運後，將鹽務一切積弊，委員確查清理，迄今綱紀秩然，百弊略淨。然事久則變，不可不防。因擬爲久遠遵守之計，與鹽茶道崧蕃、建昌道唐炯等悉心商酌，稽考成法，仰稟宸謨，仿之各省之成規，準以川省之形勢，遠搜近考，擬輯《鹽法志》一書，期爲四川省日後不易之定則。容俟纂集成編，敬謹繕寫，恭呈御覽，飭部核議，覆候欽定頒發川省遵守，庶後來辦理者確有率循，不敢

稍萌貪詐之弊，是亦考鑒之一端也。

所有擬輯川省《鹽法志》恭進緣由，謹先附片具陳。伏乞聖鑒訓示。謹奏。

光緒七年十二月十四日奏。

八年正月二十一日軍機大臣奉旨：「知道了。欽此。」

四川總督丁寶楨謹奏^{〔三〕}爲纂集《四川鹽法志》成書，敬謹繕冊，恭呈御覽，仰祈聖鑒事。

竊臣前以四川鹽務爲川省第一大政，因向無《鹽法志》頒發遵行，以致官吏商民恃無遵守，任意紊亂，百弊叢生，敗壞至於不可收拾。是以奏明纂集《鹽法志》一書，俾資率循。欽奉諭旨允准。

伏查《鹽法志》一書，從前雍正二年，戶部以長蘆、山東纂輯告成，具題請旨，敕下淮、浙、兩廣、河東、福建、四川、雲南等管鹽督撫一體遵照纂輯，奉旨：「依議。欽此。」欽遵通行在案。

是《鹽法志》實爲鹽務省分必不可少之書，茲經臣督同前總辦官運局、新授雲南藩司唐炯暨四川鹽茶道崧蕃等悉心考究，稽古準今，編輯成書，現已完竣。謹繕具黃冊，咨由軍機處恭呈御覽，仰懇敕下戶部核明覆議具奏，候旨定奪。飭下以憑欽遵，刊發各屬，敬謹遵守，用肅齟齬。謹繕摺具陳。伏乞皇太后、皇上聖鑒訓示。謹奏。

光緒八年五月十五日奏。

八年六月二十五日軍機大臣奉旨：「戶部核議具奏，志書并發。欽此。」

戶部謹奏爲遵旨核議事。四川總督丁寶楨奏纂集《四川鹽法志》書，繕冊恭進，請飭覆核，以憑刊發一折，光緒八年六月二十五日軍機大臣奉旨：「戶部核議具奏，志書并發。欽此。」

欽遵。由內閣抄出到部，旋據該督咨送副冊前來。查川省鹺務疲敝以極，自督臣丁寶楨整頓以來，日有起色，綜計已屆四綱，所收課款不下五百餘萬兩。茲復恐積久弊生，成法廢墜，纂集《鹽法志》一書，自係爲官商遵行起見。臣等督飭司員詳加校核，該督此書圖說詳明，原以志官運之成效，即以著沿革之成規，雖以官運爲主，而商運舊例亦在其中。惟井數仍載八千八百三十二眼，查本年六月間該督奏報，據稱富順廠開井二百餘眼，究係何年所開？曾否升科并未載入，即謂以旺抵枯，以新補舊，亦豈能與舊額八千八百餘眼適相符合？應請飭下該督查明覆奏，儻查係私井，或立爲封禁或酌辦升科，先行報部存案，并增入志中以備稽考。

再，志書所載率係成法，而徒法不能自行，必得人始可長治。人果事理通達，誠實廉潔，乃堪任事奉法。是在該督隨時稽查，虛心求才，勿任詐僞虛浮之輩，庶足資遵守，而肅鹺綱。所有臣等覆核并恭繳志書緣由，理合恭摺具陳。伏乞皇太后、皇上聖鑒訓示，遵行。再，此摺應檢查歷年舊案，是以覆奏稍遲。合并聲明。謹奏。

光緒八年十一月十六日具奏。

本日，軍機大臣奉旨：「依議。欽此。」

表 文

四川總督丁寶楨謹奏。纂輯《四川鹽法志》一書，今屬稿告竣，謹進呈者。

伏以皇建有極，五行并重作鹹。帝念養民三事，必兼利用。天生水而地生火，井養無窮；乾資始而坤資生，食貨攸濟。夙沙興煮海，敢希上治于黃軒；官器與牢盆，用佐大農于元狩。西南樂利，中外臚忱。臣誠惶誠恐，稽首頓首上言，竊維蜀疆實稱陸海。嚮者，秦時蜀守識鹹脉於廣都，漢代羅哀專貨殖于益部，李唐則疏鑿浸廣利，遂遍於東川、西川。趙宋則棧閉重開，額乃增於前蜀、後蜀。元修廢壞，分隸十二鹽場。明廣新增都歸十七課使，是以名如琅井、黑井，而重費醵修成比，池鹽、海鹽而各分飴散。且夫山海之藏，宜屬少府，漕河而上，此爲大經。文學集六十餘人，公孫與之論難；平叔疏一十八事，韓愈都爲條詰。惟榷蜀肇於宗望，逮趙開變法，而邦賦彌崇。算引始於紹興，及嘉靖兼票，而鹺綱略備。然而北沙錮利，張嶷至於往爭；西域築城，毛璩猶煩設守。淮網遠附，惟傳二益一揚解席兼資，虛除三路六監，卓筒盡榷，遞增石脚之錢。兩浙代輸，至貽竈丁之累。溯源累代已屬頽波，綜厥大端無非小補，從未有地不愛寶，富媪效靈，井冽寒泉，海王牟盛，不加賦而足用。制軼於唐宋元明，溥美利於無言，惠

播于滇黔湘鄂，有如今日之盛者也。茲蓋伏遇皇太后治隆媯陞，德曜璇宮，皇帝陛下虞軫阜財，唐茨崇儉。湛恩濛涌，遠敷于六合八紘；颶氣旁流，勤思乎參天貳地。間閭日用，上煩宵旰之經營；財賦紀綱，仰秉聖神之謨訓。庸蜀土膏壤沃，實爲近鹽之鄉。國家薄賦輕徭，猶下恤民之詔，除勝朝之苛權，間閭幸免誅求，洗流寇之毒，逋竈并聿開夷塞。岸則轉輸互異，計濟以邊鹽，則正餘兼行，引外有票。儻使推行盡利，已備一代宏規，從此率由舊章，故應萬世無弊。乃者徵輸逋積，漸闕正供引票，凌淆或多賄改。文書蠹蝕，典守不免失傳，官吏饕貪害己，將思去籍。凡茲禹策之中，蹶半由文獻之無徵，況如淮、浙、長蘆、粵東、山左，鹺略與鹺志兼名鹽政，與鹽法并著。舉能代增沃鹵，上裨司農，莫不部勒成書，弄藏秘閣。乃南中草木之志，繁廡胥登；而益部方物之書，鹹鹺獨闕。將何以見乾規坤，矩式成法於二百餘年，嶽貢川珍，效邊忱於五千餘里。臣忝總師干，兼權鹺計。陳編搜獵，遠徵柱史之藏；計簿鈎稽，近發官胥之守。部居勿厠，給筆札以分綈；同異宜參，焚蘭膏而繼晷。若夫憲典悉遵，聖訓蠲恤，渥被皇仁，敕書則巽命重申，聖製則天章首煥，特先恭紀用弁於端。泉脉伏地，宜附麗於方州；民食爲天，等艱難於稼穡。則以井厥次之，而各圖說繫焉。計邊分岸，比飛芻輓粟之勞；水陸交馳，見雷駢雲轡之利。再次以轉運，而疆域運道各圖表繫焉。鹽人揭書，遂沿流爲交子；水衡主利，用分佐夫度支。又次以引票徵權，而配引權額二表繫焉。然而官司主計，治法必有治人，鬻鬻多私，興利必先剔弊，則職官次之，緝私又次之。至若入境問禁，邦有常刑，則禁令尤

宜共守，援古證今，義資考鏡，故紀遺用以終編。是則宏綱細目，既徵數典無遺，大法小廉庶備。有司恪守，未是元和會計；制限方隅，差如桂海虞衡。學尤舛陋，上供乙覽，願等於《豳風》《無逸》之編。照炳重瞳，敢媿諸虎觀、石渠之掌。謹謄寫稿本四十卷，奉表恭進以聞。

《四川鹽法志》纂輯職名

總纂

太子少保兵部尚書都察院右都御史四川總督管巡撫事臣丁寶楨

提調

四川通省鹽茶道臣崧蕃

四川分巡建昌兵備道辦理滇黔邊計鹽務今授雲南布政使臣唐炯

辦理滇黔邊計鹽務四川候補道臣夏時

編輯

禮部主事臣羅文彬

校定

刑部郎中臣文天駿

檢校

湖南候補知府臣陳鴻作